

四庫全書

史部

欽定四庫全書

史部

唐六典卷二十一至三

詳校官監察御史<sub>臣</sub>劉芬

編修<sub>臣</sub>程嘉謨覆勘

總校官庶臺<sub>臣</sub>倉聖脈

校對官檢討<sub>臣</sub>龔大萬

謄錄監生<sub>臣</sub>胡金石

欽定四庫全書

唐六典卷二十一

唐

張九齡等撰

國子監

國子監

祭酒一人

司業二人

丞一人

主簿一人

錄事一人

府七人

史十三人

亭長六人

掌固八人

國子博士二人

助教二人

學生三百人

典學四人

廟幹二人

掌固四人

太學博士三人

助教三人

學生五百人

典學四人

掌固六人

四門博士三人

助教三人

學生五百人

俊士八百人

典學四人

掌固六人

國子直講四人

大成十人

律學博士一人

助教一人

學生五十人

典學二人

書學博士二人

學生三十人

典學二人

算學博士二人

學生三十人

典學二人

國子監祭酒一人從三品

周禮師氏以三德三行教國子一曰至德二曰敏德三曰

孝德一曰孝行二曰友行三曰順行凡國之貴遊子弟學焉又保氏養國子以道教之六藝謂禮樂射御書數漢官儀云漢置博士祭酒一人秩六百石後漢以博士聰明有威重者一人為祭酒韋昭辨釋名曰祭酒者凡燕饗必尊長老以酒祭先故曰祭酒徐廣曰古人具饌則賓中長者舉酒祭地亦有先也魏因之晉武帝立國子學置祭酒一人晉今日祭酒博士當為訓範總統學中衆事傳暢諸公讚云裴頌為國子祭酒奏立國子太學起講堂築門闕刻石寫五經百官志祭酒皂朝服介憤進賢兩梁冠佩水蒼玉官品第三東晉及宋齊並同



梁置國子祭酒一人班第十三比列曹尚書陳國子祭酒秩中二千石品第三後魏初第四品上太和二十二年增為從第三品比齊改為國子寺祭酒一人從三品後周開隋初國子學祭酒隸太常從三品開皇十三年復置國子寺仁壽元年罷國子唯置太學大業三年改為國子監依舊置祭酒一人皇朝因之龍朔二年改為大司成咸亨中復舊光宅元年改為成均監祭酒神龍元年復舊

### 司業二人從四品下

禮記曰樂正司業父師司成秦漢已來無聞隋大業三年置司業一人

人從四品皇朝因之龍朔改為少司成咸亨中復舊垂拱中增置二人

國子祭酒司業之職掌邦國儒學訓導之政令有六學焉一曰國子二曰太學三曰四門四曰律學五曰書學

六曰筭學凡春秋二分之月上丁釋奠於先聖孔宣父以先師顏回配七十二弟子及先儒二十二賢從祀焉

舊令唯祀十哲及二十二賢開元八年勅列曾參於十哲之次并七十二子並許從祀其名歷已具於祠部

祭以太牢樂用登歌軒縣六佾之舞若與大祭祀相遇則改用中丁祭酒為初獻司業為亞獻博士為終獻若皇太子釋奠則贊相禮儀祭酒為之亞獻皇帝視學皇太子齒胄則執經講義焉凡釋奠之日則集諸生執經論議奏請京文武七品以上清官並與觀焉凡教授之經

以周易尚書周禮儀禮禮記毛詩春秋左氏傳公羊傳

穀梁傳各為一經孝經論語老子學者兼習之

諸教授正業周

易鄭玄王弼注尚書孔安國鄭玄注三禮毛詩鄭玄注左傳服虔杜預注公羊何休注穀梁范甯注論語鄭玄何晏注孝經老子並開元御注舊令孝經孔安國鄭玄注老子河上公注其禮記左傳為大經毛詩周禮儀禮為中經周易尚書公羊穀梁為小經每歲終考其學官訓導功業之多少

而為之殿最

丞一人從六品下

隋大業三年置國子丞三人從六品皇朝省置一人

主簿一人從七品下

北齊國子寺置主簿員隋置一人皇朝因之

錄事一人從九品下

北齊國子寺有錄事一員隋置一人皇朝因之

丞掌判監事凡六學生每歲有業成上于監者以其業

與司業祭酒試之明經帖經口試策經義進士帖一中

經試雜文策時務徵事其明法明書算亦各試所習業

登第者白祭酒上于尚書禮部

其試法皆依考功又加以口試明經帖限通八

已上明法明書

皆通九已上

主簿掌印勾檢監事凡六學生有不率師教者則舉而免之其類三年下第九年在學及律生六年無成者亦

如之

假違程限及作樂雜戲亦同唯彈琴習射不禁

### 錄事掌受事發辰

國子博士二人正五品上

漢書百官表云博士秦官也掌通古今秩比六百石員多

至數十人武帝置五經博士宣帝稍增員十二人漢儀云文帝博士七十餘人為待詔博士朝服玄端章甫冠司馬彪百官志博士十四人魏以太常統太學博士祭酒晉初置博士十九人咸寧四年立國子學置國子博士一人晉官品第六介憤兩梁冠服佩同祭酒宋齊無所改作梁置國子博士二人為九班陳品第四秩十石後魏初國子博士從五品上太和二十二年增為第五品北齊置國子寺有博士五人品第五隋初國子隸太常置博士五人大業三年置國子監博士一人正五品皇朝增置二人

助教二人從六品上

晉武帝初立國子學置助教十五人官品視南臺御史服同博士東

晉孝武損為十人宗齊並同梁班第二陳品第八秩六百石後魏第七品北齊置十人品同後魏隋初置國子助教五人從七品下大業三年減置一人皇朝增置二人

國子博士掌教文武官三品已上及國公子孫從二品

已上曾孫之為生者五分其經以為之業習周禮儀禮

禮記毛詩春秋左氏傳每經各六十人餘經亦兼習之

習孝經論語限一年業成尚書春秋公羊穀梁各一年

半周易毛詩周禮儀禮各二年禮記左氏春秋各三年

其生初入置束帛一篚酒一壺脩一案號為束修之禮

其習經有暇者命習隸書并國語說文字林三蒼爾雅

每旬前一日則試其所習業

試讀者每十言內試一帖  
試講者每二十言內問義

一條總試三條通一  
及全不通斟量決罰

每歲其生有能通兩經已上求出

仕者則上于監堪秀才進士者亦如之

助教掌佐博士分經以教授焉

典學掌抄錄課業

廟幹掌灑掃學廟

太學博士三人正六品上

東晉元帝增置國子博士十人謂之太學博士品服同

國子博士梁置太學博士八人班第二陳品第八魏六百石後魏初第六品中太和二十二年從第七品北齊國子寺有太學博士十人從第七品後周置太學博士下大夫六人班第四隋初置太學博士五人仁壽元年罷國子唯立太學置博士五人從五品大業三年減置二人降為從六品皇朝增置三人

助教三人從七品上

後魏置太學助教第八品中北齊國子寺有太學助教二十人從第

九品下後周置太學助教上士六人三命隋初太學助教五人正九品下大業三年減為二人皇朝增置三人

太學博士掌教文武官五品已上及郡縣公子孫從三

品曾孫之為生者五分其經以為之業每經各百人其



東脩之禮督課試舉如國子博士之法

助教已下並掌同國子

四門博士三人正七品上

後魏書劉芳表云太和二十  
年立四門博士於四門置學

按禮記云天子設四學鄭玄注周四郊之虞庠也今以  
其遠遠故置於四門請移與太學同處從之後魏百官  
志四門博士第九品北齊置二十人正九品上後周  
開隋置五人從八品上皇朝減置三人加正七品上

助教三人從八品上

北齊國子寺有四門助教二十人  
隋初置四門助教五人從九品下

皇朝因

置三人

四門博士掌教文武官七品已上及侯伯子男子之為

生者若庶人子為俊士生者

禮記王制曰命卿論秀士升之司徒曰選士司徒論

選士之秀者升之學曰俊士隋書志曰舊國子學處士以貴賤梁武帝欲招來後進五館生皆取寒門俊才不拘負數是即今之俊士也分經同太學其束脩之禮督課試舉同國

子博士之法

助教已下掌同國子

直講四人

皇朝初置無員數長安四年始定為四員俸祿賜會同直官例

直講掌佐博

士助教之職專以經術講授而已

大成十人

皇朝置取貢舉及第人考功簡聰明者試書日誦得一千言并口試策試所習業等十條

通七煞後補充仍授散官俸祿賜會同直  
官例給初置二十人開元二十年減十人

大成通四經業成上於尚書吏部試登第者加一階放  
選其不第則習業如初每三年一試若九年無成則免

大成從常調

律學博士一人從八品下

晉百官志廷尉官屬有律博士員晉刑法志曰衛覬奏請

置律學博士轉相教授東晉宋齊並同梁天監四年廷  
尉官屬置胄子律博士位視員外郎第三班陳律博士  
秩六百石品第八後魏初律博士第六品太和二十二  
年為第九品上北齊大理寺官屬有律博士四人第九  
品上隋大理寺官屬有律博士八人  
正九品上皇朝省置一人移屬國學

助教一人從九品上

皇朝  
置之

律學博士掌教文武官八品已下及庶人子之為生者以律令為專業格式法例亦兼習之其束脩之禮督課試舉如三館博士之法

助教掌佐博士之職如三館助教之法

書學博士二人從九品下

代本倉頡作書周禮保氏教以六藝其五曰六書鄭司農

云象形會意轉注指事假借諧聲也古謂之小學漢書食貨志曰八歲入小學學六甲五方書計之事晉衛恒字勢曰昔黃帝有沮誦倉頡始作書契蓋觀鳥跡以興思也秦漢古文有八體一曰大篆二曰小篆三曰刻符

四曰篆書五曰摹印六曰署書七曰笈書八曰隸書王莽時甄豐校文字復有六書一曰古文二曰奇字三曰篆書四曰佐書五曰繆篆六曰鳥書自漢已來不見其職隋置書學博士一人從九品下皇朝加置二人

書學博士掌教文武官八品已下及庶人子之為生者以石經說文字林為專業餘字書亦兼習之石經三體書限三年業成說文二年字林一年其束脩之禮督課試舉如三館博士之法

算學博士二人從九品下

代本孫首造數周禮保氏教以六藝其六曰九數即九章

也一曰方田二曰粟米三曰差分四曰少廣五曰商功六曰均輸七曰方程八曰贏不足九曰旁要漢書律歷

志曰數者一十百千萬所以算數事物也小學是則職在太史義和掌之魏晉已來多在史官不列於國學隋置算學博士一人從九品下皇朝增置二人

算學博士掌教文武官八品已下及庶人子之為生者二分其經以為之業習九章海島孫子五曹張丘建夏侯陽周髀十有五人習綴術緝古十有五人其記遺三等數亦兼習之孫子五曹共限一年業成九章海島共三年張丘建夏侯陽各一年周髀五經算共一年綴術四年緝古一年其束脩之禮督課試舉如三館博士之



唐六典卷二十一



欽定四庫全書

唐六典卷二十二

唐 張九齡等 撰

少府軍器監

少府監

監一人

少監二人

丞四人

主簿二人

錄事二人

府二十七人

史十七人

計史三人

亭長八人

掌固六人

中尚署

令一人

丞四人

府九人

史十八人

監作四人

典事四人

掌固四人

左尚署

令一人

丞五人

府七人

史二十人

監作六人

典事十八人

掌固十四人

右尚署

令一人

丞四人

府七人

史二十人

監作六人

典事三人

掌固十人

織染署

令一人

丞二人

府六人

史十四人

監作六人

典事十一人

掌固五人

掌治署

令一人

丞二人

府六人

史十二人

監作二人

典事二十三人

掌固四人

諸治監

每治監各一人

丞各一人

錄事各一人

府各一人

史各二人

監作四人

典事二人

掌固四人

北都軍器監



監一人

少監一人

丞二人

主簿一人

錄事一人

府十人

史十八人

典事四人

亭長二人

掌固四人

甲坊署

令一人

丞一人

府二人

史五人

監作二人

典事二人

弩坊署

令一人

丞二人

府二人

史五人

監作二人

典事二人

諸鑄錢監

監各一人

副監各一人

丞各一人

監事各一人

錄事各一人

府各三人

史各四人

典事各五人

互市監

每市監一人

丞各一人

錄事各一人

府各二人

史各四人

價人各四人

掌固八人

少府監監一人從三品

漢書百官表云少府秦官掌山海池澤之稅以給供養有六丞

其屬官有尚書符節太醫太官湯官導官樂府若盧考工室在右居至甘泉居室左右司空東織西織東西匠十二官令丞又陶人都水均官三長丞又上林中十池監又中書謁者黃門鈞有尚方御府永巷內者宦者七官令丞諸僕射署長中黃門皆屬焉少府者天子之私府所以供奉之職皆在焉王莽改曰共工後漢復為少府其尚書侍中符節皆屬焉餘職多所并省漢官解詁云少府主供養陂池禁錢服御口實掖庭中宮魏因之晉置功曹主簿五官等員少府銀章青綬五時朝服進賢兩梁冠絳朝服佩水蒼玉品第三統材官校尉中左右三尚方中黃左右歲左校甄官平準奚官等今左校坊鄴中黃左右歲油官等丞及過江唯置一尚方又省

御府至哀帝時桓溫表省少府以并于丹陽尹孝武復置宗少府領左右尚方御府東治南治平準等令丞齊又加以領左右尚餼署梁以少府為夏卿統材官將軍左右中尚方甄官平水南塘邸稅庫東西治中黃細作炭庫紙官染署等令丞班第十一品從第四陳因之後魏少府宗正太僕廷尉司農鴻臚為六次卿第二品上太和末改少府為太府北齊不置少府其左中右三方司染諸治及細作甄官等署並隸太府寺至隋煬帝大業五年始分太府為少府監置監一人從三品少監一人從四品丞三人統左尚中尚右尚內尚司織司染鎧甲弓弩掌治等署其後又改監為令少監為少令併司織司染為織染署廢鎧甲弓弩二署皇朝因為監龍朔二年改為內府監咸亨元年復為少府監光宅元年改為尚方監神龍元年復舊開元又分甲鎧弓弩別置軍器監十二年省軍器監其作工歸少府尋又於北都置軍器監

少監二人從四品下

隋煬帝置少監一人從第四品皇朝因置二人龍朔咸亨光宅神龍

並隨監

改復

少府監之職掌百工技巧之政令總中尚左尚右尚織

染掌治五署之官屬庀其工徒謹其繕作少監為之貳

凡天子之服御百官之儀制展采備物率其屬以供焉

丞四人從六品下

漢置丞六人比千石後漢置一人以明法補魏晉因之宋齊梁陳皆一人

梁班第四後魏少府丞二人從五品中隋煬帝分太府寺置少府監置丞二人皇朝加至六人龍朔咸亨光宅

神龍並隨監改復開元

二十三年省置四人



主簿二人從七品下

晉令少府置主簿二人宋齊因之  
梁主簿七班之中第三階煬帝置

主簿一人皇朝加至四人龍朔咸亨光宅  
神龍並隨監改復開元二十三年減二人

錄事二人從九品上

丞掌判監事凡五屬所備之物須金石齒草羽毛竹木  
而成者則上尚書省尚書省下所由司以供給焉凡五  
署之所入於庫物各以名數并其州土所生以籍之季  
終則上於所由其副留於監有出給者則隨注所供而  
印署之凡教諸雜作計其功之衆寡與其難易而均平

之功多而難者限四年三年成其次二年最少四十日

作為等差而均其勞逸焉

凡教諸雜作工業金銀銅鐵鑄錫鑿鏤錯錫所謂工夫者

限四年成以外限二年成平慢者限二年成諸雜作有一年半者有一年者有九月者有三月者有五十日者

有四十日者

主簿掌勾檢稽失凡財物之出納工人之繕造簿帳之除附各有程期不如期者舉而按之

錄事掌受事發辰

中尚署令一人從六品上

漢少府屬官有尚方令丞後漢尚方令一人六百石掌上

手工作御刀劍諸好器物及寶玉作器和帝時蔡倫為  
尚方令作秘劍皆有龍泉太阿之目及諸器械靡不牢  
固其後分為中左右三尚方魏以因之晉過江左唯置  
一尚方哀帝以隸丹陽尹孝武帝復舊晉代掌造軍器  
宋高祖踐阼以相府部配臺謂之左尚方而本署謂之  
右尚方今丞各一人武帝改右尚方曰御府又置中署  
隸右尚方齊置左右尚方今丞各一人梁置左中右尚  
方三令丞其令並從九品其後廢中尚方唯存左右而  
已陳因之北齊太府寺管左中右三尚方隋開皇中有  
內左右三尚方署猶屬太府寺內尚方今二人正八品  
下掌諸織作煬帝分屬少府皇朝因置二人省方字但  
曰中尚左右尚開元十八年省一人升為從六品上

### 丞四人從八品下

漢魏已來皆隨署省置後漢丞一人  
四百石魏晉宋齊皆隨署改易梁位

在七班之下為三品勳位隋置丞四人

正九品下皇朝因之開元中升其品

監作四人從九品下

中尚署令掌供郊祀之圭璧

凡冬至祀昊天上帝以蒼璧孟春祈穀孟夏雩祀季

秋明堂祀並以四圭有邸夏至祭皇地祇以黃琮祀日月以圭邸祀東方青帝以青圭南方赤帝以赤璋西方白帝以聯虞北方黑帝以玄璜中央黃帝以黃琮祭神州及岳鎮海瀆太社太稷皆以兩圭有邸

及歲時乘輿器玩中官服飾彫文錯綵珍麗之制皆供

焉丞為之貳

每年二月二日進鑿牙尺及木畫紫檀尺寒食進毬兼雜綵雞子五月五日進百索

綬帶夏至進雷車七月七日進七孔金鈿針十五日進盂蘭盆臘日進口脂衣香囊每月進筆及擣衣杵琴瑟琵琶絃金銀絃須則進之不恒其數也

其所用金木齒草羽毛之屬任所

出州土以時而供送焉

其紫檀櫛木檀香象牙翡翠毛黃嬰毛青蟲真珠紫鍍水銀出

廣州及安南赤麋皮琴瑟赤珪琥珀白玉碧玉金剛鑽  
盆灌鑰石胡桐律大鵬砂出波斯及涼州麝香出蘭州  
銅鉢銅出代州赤生銅出銅源監也

左尚署令一人正七品下

後漢末分尚方為三中左右魏晉因之晉過江唯尚方而

已宋齊梁陳有左右尚方晉宋已來並四百石梁班從  
九品北齊太府寺左中右尚方隋開皇中三尚方並屬  
太府寺左尚令三人掌造車輦織扇稍旣弓箭弩戟器  
仗刀鍬膠漆竹木骨角畫素刺鏤蠟燭等皇朝置一人  
開元十八年為正七品下

丞五人從八品下

前後漢魏晉宋齊梁陳皆隨署置省  
梁選部左尚方丞為三品勳位隋左

尚方丞八人正九品下皇朝置  
五人開元十八年為從八品下

監作六人從九品下

左尚署令掌供天子之五輅五副七輦三輦十有二車  
大小方圓華蓋一百五十有六諸翟尾扇及大小織翰  
辨其名數而頒其制度丞為之貳凡皇太后皇后內命婦  
之重翟厭翟翟車安車四望金根等車皇太子之金輅  
輅車四望車王公已下象輅革輅木輅輅車公主王妃  
外命婦一品厭翟車二品三品犢車其制各有差其用

金帛膠漆材竹之屬所出方土以時支送

漆出金州竹出司竹監松

出嵐勝州文栢出隴州梓楸出京兆府紫檀出廣州黃楊出荊州

右尚署令一人正七品下

後漢分尚方為三中左右魏晉因之晉過江唯尚方而已

宋齊梁陳有左右尚方北齊亦有三尚方隋左右尚方屬太府寺令三人正八品下煬帝始改隸少府焉皇朝因置令二人掌造甲冑貝裝刀斧鉞及皮毛雜作膠漆紙筆薦蓆等事開元十八年省一人升為正七品下

丞四人從八品下

漢魏已來與左尚方同隋右尚方丞六人皇朝置四人開元十八年為從

八品下

監作六人從九品下

左尚署令掌供天子十有二閑馬之鞍轡

每歲京兆河南制革理材

煉金以為之送之於署令工人增飾而進焉

及五品三部之帳備其材草而

脩其制度丞為之貳凡刀劍斧鉞甲冑紙筆茵席履舄

之物靡不畢供其用綾絹金鈇毛草等所出方土以時

支送

白馬尾白犛牛尾出隴右諸州翟尾孔雀尾白鷺鮮出安南江東韶皮出諸軍州

織染署令一人正八品上

周官九職嬪婦化理絲帛考工記理絲麻而成之謂之婦

功漢少府屬官有東織西織成帝河平元年省東織更名西織曰織室後漢有織室丞一人此後無聞北齊中尚方領涇州雍州絲局成定州紬綾局丞後周有司織下大夫一人掌凡機材之工隋煬帝置司織署令丞後



與司染署併為織染署周禮天官有染人掌染絲帛凡染春暴練夏纁玄冬官有設色之工五謂畫繪鍾筐幌也常昭辨釋名云平準令主染有常平之法故准而酌之兩漢並隸司農晉平準令有監染吏六人初隸司農後屬少府宋順帝名准始改曰染署令齊復為平準令梁陳為平水令北齊太府寺有司染署長秋寺有染局丞後周有染工上士一人又有司色下大夫一人隋初有司染署隸太府寺煬帝分屬少府大業五年合司織司染為織染署令二人皇朝置一人

丞二人正九品上

漢魏已來並具於本署隋並司織司染為一署丞四人皇朝因之置二人

監作六人從九品下

織染署令掌供天子皇太子及羣臣之冠冕辨其制度

而供其職務丞為之貳天子之冠二一日通天冠二日  
翼善冠冕六一日大裘冕二日衮冕三日鷩冕四日毳  
冕五日絺冕六日玄冕弁二一日武弁二日皮弁幘二  
一日黑介幘二日平巾幘帽一日白紗帽太子之冠三  
一日三梁冠二日遠遊冠三日進德冠冕二一日衮冕  
二日玄冕弁一日皮弁幘一日平巾幘臣下之冠五一  
日遠遊冠二日進賢冠三日獬豸冠四日高山冠五日  
却非冠冕五一日衮冕二日鷩冕三日毳冕四日絺冕

五曰玄冕弁二一日爵弁二曰武弁幘三一日介幘二

曰平巾幘三曰平巾綠幘凡織紵之作有十

一日布二日絹三日

紵四曰紗五日綾六曰羅七曰錦八曰綺九曰縐十曰褐

組綬之作有五

一日組二日綬三日

條四曰纆五曰纆

紬線之作有四

一日紬二日線三日絰四曰網

練染之作有

六

一日青二日絳三日黃四曰白五曰皂六曰紫

凡染大抵以草木而成有以

花葉有以莖實有以根皮出有方土採以時月皆率其屬而脩其職焉

掌治署令一人正八品上

周禮冬官攻金之工六謂築治鳧桌段桃也秦及漢諸郡

國出鐵者置鐵官長丞晉衛尉屬官有治令丞各一人  
掌工徒鼓鑄造江省衛尉而治令始隸少府宋有東治  
令丞西治令丞齊因之梁有東治令西治令從九品下  
選東治重西治輕然梁朝之西治蓋宗齊南治也陳因  
之後魏無聞北齊太府寺有司治令丞後周有治工中  
士一人又有鐵工中士一人隋太府寺統掌治署令二  
人掌金銀銅鐵器之屬一官諸治煬帝改  
屬少府令從八品上皇朝因之省一人

丞二人正九品上

秦漢已來具上注隋太府寺統掌治丞四人煬帝改屬少府皇朝因之省

二人

監作二人從九品下

掌治署令掌鎔鑄銅鐵器物之事丞為之貳凡天下諸

州出銅鐵之所聽人私採官收其稅若白蠟則官為市之其西邊北邊諸州禁人無置鐵冶及採鈔若器用所須則其名數移於所由官供之私者私市之凡諸冶所造器物皆上於少府監然後給之其興農冶監所造者唯供隴右諸牧監及諸牧使

諸冶監監各一人正七品下

秦漢內使及諸郡有鐵者則置鐵官長丞晉令諸冶

官庫各置督監一人宋書云江南諸郡縣有鐵者或置治令或丞皆吳時置也齊梁有梅根諸治令北齊諸治皆有局丞隋諸治皆署監監有上中下三等皇朝因之掌鑄兵農之器以給軍旅屯田居人焉

丞一人從八品上

監作四人從九品下

諸冶監掌鑄鑄銅鐵之事以供少府監丞為之貳

北都軍器監監一人正四品上

開元初令少府監置  
十六年移向北都

少監一人正五品上

丞二人正七品

主簿一人正八品上

錄事一人正九品下

軍器監掌繕造甲弩之屬辨其名物審其制度以時納于武庫少監為之貳焉

丞掌判監事凡材草出納之數工徒衆寡之役皆督課焉

主簿掌印及勾檢稽失

錄事掌受事發辰

甲坊署令一人正八品下

周禮考工記曰函人為甲犀甲七屬兕甲六屬合甲五屬

凡為甲必先為容然後制革權其上祿與其下祿而重若一隋少府有甲鎧署皇朝改焉

丞一人正九品下

監作二人從九品下

弩坊署令一人正八品下

周禮司弓矢掌四弩凡弩狹瘦利攻守廣大利車戰野戰

考工記弓人取六材必以其時幹也者以為遠角也者以為疾筋也者以為深膠也者以為和絲也者以為固漆也者以為受霜露也凡取幹之道有七柘為上櫨次之檠桑次之楛次之木瓜次之荆次之竹為下隋有弓弩署皇朝改焉

丞一人正九品下

監作二人從九品下



甲坊令弩坊令各掌其所備之物督其繕造辨其粗良  
丞為之貳凡財物之出納庫藏之儲備必謹而守之

諸鑄錢監監各一人

周禮泉府上士四人掌市之征布又司市以商賈阜貨而行布以泉

府同貨而斂縣國凶荒札喪則市無征而作布鄭玄云市不稅為民之用也金銅無凶年因物貴大鑄泉以饒民布及泉謂錢也漢書食貨志曰太公為周立九府圜法錢圜函方輕重以銖故貨寶於金利於刀流於泉布於布束於帛周景王鑄大錢文曰寶貨內外皆有周郭秦無天下銅錢文曰半兩重如其文漢興以秦錢重難用令人鑄榆莢錢文帝以錢益輕更鑄四銖錢文為半兩除盜鑄錢令使民放鑄及武帝初鑄三銖錢重如其文禁人盜鑄有司言三銖錢輕更請郡國鑄五銖錢文曰五銖周郭其質又以人多奸鑄令京師鑄官赤仄一

當五其後赤仄錢又廢於是志除郡國無鑄錢專令上林三官鑄錢自武帝元符年三官初鑄五銖錢至平帝元始中成錢二百八十億萬餘王莽變漢制始造大錢徑寸二分重十二銖文曰大錢五十後又多所改作及公孫述於蜀鑄錢人不便之故諺曰黃牛白腹五銖當復後漢光武除王莽所造復五銖錢靈帝鑄四出錢魏初專以粟帛為貨明帝復立五銖錢至西晉不改吳孫權鑄大錢一當五百文又鑄一當千錢蜀先主鑄一直百錢東晉沈充鑄小錢謂之沈郎錢宋文帝又鑄四銖錢體完厚孝武帝四銖形小薄少帝鑄二銖謂之菜子錢又有綬環錢貫之以縷入水不沉南齊亦用四銖梁武帝乃鑄二種錢內有周郭文曰五銖重如其文又除內郭謂之女錢百姓私用古錢有直百五銖女錢太平百錢定平一百五銖雜錢五銖對文等號輕重不一普通中議罷銅錢鑄鐵錢陳初有梁末兩柱及鷹眼錢時雜用之文帝改鑄五銖宣帝又鑄大貨六銖後魏太和

十九年鑄錢文曰太和五銖永安二年改鑄文曰永安五銖東魏齊文襄以錢文五銖名須稱實一文重五銖計百錢重一斤四兩二十銖北齊文宣帝鑄常平五銖重如文周武帝鑄布泉錢以一當五與五銖並行建德中復鑄五行大布一當十宣帝又鑄永通萬國以一當千隋高祖以天下錢貨不等更鑄新錢背面內外皆有周郭文曰五銖重如其文每一千重四斤一兩自漢至隋雖時或輕重皆用五銖皇朝武德中悉除五銖更鑄開通元寶錢乾封初又鑄乾封泉寶錢尋廢開元中以錢濫惡江淮間尤甚有勅禁斷令御史往江淮間收斂納官鎔之其求稍廣州縣恐其錢數不充隨以好錢繼之自是百姓財幣耗損御史坐是左遷舊法每一千重六斤四兩近所鑄者多重七斤錢文本歐陽詢所書錢官漢比初屬少府後屬水衡後漢屬司農魏晉已下或屬少府或屬司農皇朝少府置十鑪諸州亦皆屬馬及少府罷鑄錢諸州遂別今絳州三十鑪揚宣鄆蔚各十

鑪益鄂柳各五鑪洋  
州三鑪定州一鑪

諸鑄錢監以所在州府都督刺史判之

副監一人上佐判之

丞一人判司判之

監事一人叅軍及縣尉知之

錄事府史土人為之

諸互市監監各一人從六品下

漢魏已降緣邊郡國皆有互市與夷狄交易致

其物產也並郡縣主之而不別置官吏至隋諸緣邊州置交市監視從第八品副監視正第九品皇朝因置之

各隸所管州府監加至從六品下改副監為丞品  
第八下光宅中改為通市監後又復舊為互市監

丞一人正八品下

隋置交市副監皇  
朝改為互市監丞

諸互市監各掌諸蕃交易之事丞為之貳凡互市所得

馬駝驢牛等各別其色具歲歲膚第以言於所隸州府

州府為  
申聞

太僕差官吏相與受領印記上馬送京師餘量

其眾寡並遣使送之任其在路放牧馬每馬十疋牛十

頭駝騾驢六頭羊七十口各給一牧人

若非理喪失其  
部使及遞人改

酬其  
直

其營州管內蕃馬出貨選其少壯者官為市之

唐六典卷二十二

欽定四庫全書

唐六典卷二十三

唐 張九齡等 撰

將作都水監

將作監

大匠一人

少匠二人

丞四人

主簿二人

錄事二人

府十四人

史二十八人

計史三人

亭長四人

掌固六人

左校署

令二人



丞四人

府六人

史十二人

監作十人

右校署

令二人

丞三人

府五人

史十人

監作十人

典事二十四人

中校署

令一人

丞三人

府三人

史六人

監事四人

典事八人

掌固一人

甄官署

令一人

丞二人

府五人

史十人

監作四人

典事十八人

百工監

監一人

副監一人

丞一人

錄事一人

府一人

史三人

監作四人

典事二十人

就谷監

監一人

副監一人

丞一人

錄事一人

府一人

史三人

監作四人

典事二十人

庫谷監

監一人

副監一人

丞一人

錄事一人

府一人

史三人

監作四人

典事二十人

太陰監

監一人

副監一人

丞一人

錄事一人

府一人

史三人

監作四人

典事十人

伊陽監

監一人



副監一人

丞一人

錄事一人

府一人

史三人

監作四人

典事十人

都水監

使者二人

丞二人

主簿一人

錄事一人

府五人

史十人

亭長一人

掌固四人

舟楫署

令一人

丞二人

府三人

史四人

監漕四人

漕史二人

典事三人

掌固三人

河渠署

令一人

丞一人

府三人

史六人

河隄謁者六人

典事三人

掌固四人

長上魚師十人

短番魚師一百二十人

明資魚師一百二十人

諸津每津令一人

丞一人

錄事一人

府一人

史二人

典事三人

津吏五人

將作監大匠一人從三品

左傳云少昊氏且雉為五工正周官冬官掌百工之職漢

書百官表云將作少府秦官掌治宮室有兩丞左右中候景帝改曰將作大匠秩二千石屬官有右庫東園主章左右前後中校七令丞又主章長丞武帝改東園主章曰水工成帝省中候及左右前後中校五丞後漢光武中元年省常以謁者兼之至章帝建初元年又置魏因之晉將作大匠置功曹主簿五官等員掌土木之役遇江後及宋齊並不常置梁天監七年置十二卿改將作大匠為大匠卿是為秋卿班第十品正第五陳因之

後魏太和初將作大匠徙第二品下二十二年降為從三品北齊因之後周有匠師中大夫一人掌城郭宮室之制及諸器物度量又有司木中大夫一人掌木工之政令隋將作寺置大匠一人徙三品開皇二十年改為將作監以大匠為大監煬帝大業五年正四品十三年又改大監為令皇朝改置大匠少匠丞主簿等員龍朔元年改為繕工監咸亨元年復舊光宅元年改為營繕監神龍元年復舊

少匠二人從四品下

後周官有少匠師下大夫一人隋初將作無少匠開皇二十年改寺

為監大匠為大監始置副監一人煬帝改副監為少監大業三年改少監為少匠五年又改少匠為少監正五品十三年又改為少令皇朝改置少匠二人龍朔咸亨光宅神龍隨監改復

將作大匠之職掌供邦國修建土木工匠之政令總四

署三監百工之官屬以供其職事少匠貳焉凡西京之大內大明興慶宮東都之大內上陽宮其內外廊臺殿樓閣并仗舍等苑內宮亭中書門下左右羽林軍左右萬騎仗十二閑廐屋宇等謂之內作凡山陵及京都之太廟郊社諸壇廟京都諸城門尚書殿中秘書內侍省御史臺九寺三監十六衛諸街使弩坊溫湯東宮諸司王府官舍屋宇諸街橋道等並謂之外作凡有建造營葺分功度用皆以委焉凡修理宮廟太常先擇日以聞



然後興作

丞四人從六品下

漢將作有丞二人秩六百石後漢置一人魏晉因之東晉宋齊有事則置

無事則罷梁天監七年置大匠丞一人班第三陳因之  
後魏從五品中太和二十二年第七品下北齊丞四人  
從第七品上後周匠師上士一人隋將作丞二人從六  
品大業十三年加至從五品皇朝加丞至四人從六品  
下

主簿二人從七品下

晉將作置主簿員江左有事則置無事則省梁天監七年復置將作

主簿一員七品班第三北齊將作寺有功曹主簿員若有營作又別立長史司馬主簿各一員隋將作主簿二人皇朝

因之

錄事二人從九品上

丞掌判監事凡內外繕造百司供給大事則聽制勅小事則俟省符以諮大匠而下於署監以供其職凡諸州

匠人長上者則州率其資納之隨以酬顧凡功有長短

役有輕重

凡計功程者四月五月六月七月為長功二月三月八月九月為中功十月十一月十二月

月正月凡啓塞之時火土之禁必辨其經制而舉其條

為短功目凡四時之禁每歲十月以後盡于二月不得起治作

冬至以後盡九月不得興土工春夏不伐木若臨事要行理不可廢凡營造修理土木瓦石不出於所司者

者以著別式

總料其數上於尚書省凡營軍器皆鐫題年月及工人姓名辨其名物而閱其虛實

主簿掌印勾檢稽失凡官吏之申請糧料俸食務在候使必由之以發其事若諸司之應供四署三監之財物器用違闕隨而舉焉

### 錄事掌受事發辰

左校署令二人從八品下

周官有攻木之工七謂輪輿弓廬匠車梓也秦漢有左右

前後中校五令丞後漢唯置左右校令丞各一人令六百石又有材官校尉魏并左校於材官署過江省將作

大匠而左右校隸少府又改材官校尉為將軍罷左校  
今宗齊梁陳又有左校令丞別置材官將軍司馬北齊  
太府寺有左校署令丞後周有掌材上  
士隨將作領左校署令二人皇朝因之

丞四人正九品下

漢成帝省左右前後中五校丞後漢  
置左右校丞各一人秩三百石魏因

之東晉隸少府宗齊梁北齊皆有丞後周有  
掌材中士二人隋左校丞四人皇朝因之

監作十人從九品下

左校令掌供營構梓匠之事致其雜材差其曲直制其  
器用程其功巧丞為之貳凡宮室之制自天子至於士

庶各有等差

天子之宮殿皆施垂拱藻井王公諸臣三  
品已上九架五品已上七架並廳厦兩頭

六品已下五架其門舍三品已上五架三間五品已上三間兩厦六品已下及庶人一間兩厦五品已上得制鳥頭門若官修者左掖為凡樂縣龔虞兵仗器械及喪之私家自修者制度准此

葬儀制諸司什物皆供焉

龔虞謂鑄鐘編鐘編磬之屬器械謂伏床戰架杙械之屬

喪儀謂棺槨明器之屬什物謂机案櫃檻勅函行槽到碓之屬

右校署令二人從八品下

後漢安帝建元三年置左校令右校丞其後又置右校令

魏因之晋少府屬官有左校無右校其職蓋并於左校矣宋齊梁陳皆無北齊太府寺管左校亦無右校隋置右校署令丞掌營構工作之事皇朝因之

丞三人正九品下

漢左校丞一人三百石魏因之宋齊梁陳並置北齊省隋右校置丞三人

皇朝  
因之

監作十人從九品下

右校令掌供版築塗泥丹牖之事丞為之貳凡料物支

供皆有由屬審其制度而經度之

凡修補之料每歲京北河南及諸州支送

麥麩三萬圍麥麩一百車麻檣二萬斤其石灰亦土之屬須則市供不恆其數

中校署令一人從八品下

漢將作左右前後中五校皆有令丞自後不置皇朝置之

丞三人正九品下

漢成帝省皇朝復置

監事四人從九品下

中校令掌供舟車兵仗廐牧雜作器用之事凡行幸陳

說供三梁竿柱閑廐繫飼則供剉碓行槽鞍架禱祀祭

祀則供棘葛竹整內外營造應供給者皆主守之丞為

之貳

舊將作寺百工署掌營棘葛槍子土埽石作之事開元十五年改百工署為監其職掌各分八諸署

槍子入左校石作入甄官棘葛土埽等入於此署凡監署後使車牛皆有年支

草豆據其名簿閱其虛實受而藏之以給於車坊

甄官署令一人從八品下

周禮搏埴之工二謂陶與甄也後漢將作大匠屬官有前

後中甄官令丞晉少府領甄官署掌埴瓦之任宋齊有東西陶官瓦署督令各一人北齊太府寺統甄官署甄

官又別領石窟丞後周有陶工中士一人掌為罽彝簋

簋等器隋太府寺統甄官署令丞二人

丞二人正九品下後漢前後中三甄官各丞一人晉有

官丞二人

皇朝因之

監作四人從九品下

甄官令掌供琢石陶土之事丞為之貳凡石作之類有

石磬石人石獸石柱碑碣碾磴出有方土用有物宜凡

磚瓦之作瓶缶之器大小高下各有程準凡喪葬則供

其明器之屬

別教葬者俱餘並私備

三品以上九十事五品以上



六十事九品以上四十事當墻當野祖明地軸誕馬偶  
人其高各一尺其餘音聲隊與僮僕之屬威儀服玩各  
視生之品秩所有以瓦木為之其長率七寸

百工就谷庫谷斜谷太陰伊陽監監各一人正七品

副監一人從七品下

丞一人正八品上

周禮山虞林衡並掌斬伐林木之事  
歷代皆有其官皇朝取其義而並置

之庫谷監在鄆縣就谷監在藍屋縣百工監  
在陳倉太陰監在陸渾縣伊陽監在伊陽縣

錄事各一人

監作各四人從九品下 太陰監伊陽監各典事十人

百工等監掌採伐材木之事辨其名物而為之主守凡

修造所須材幹之具皆取之有時用之有節

都水監使者二人正五品上 本周官虞衡之職漢太常大司農少府內史主爵中

尉其屬官各有都水長丞武帝置水衡都尉掌上林苑有五丞其屬官有上林均輸御蓋禁園緝濯鐘官辨鐘

令丞人衡官水司空都水農倉又甘泉上林都水七官長丞皆屬焉至成帝以都水官多置左右使者各一人

則劉向護左都水使者是也至哀帝罷之王莽改水衡都尉曰子虞後漢省都水以屬郡國而置河隄謁者五

人魏因之又兼有水衡都尉主天下水軍卿船器械晉

置都水臺都水使者一人掌舟楫之事官品第四又有

左右前後中五水銜晉起屈注及元康百官名陳儻載  
熊俱以都水使者頗水銜都尉宋孝武帝省都水臺置  
水銜令齊氏復置都水臺使者一人梁武帝天監七年  
改為太舟卿為東卿班第九吏員依晉又加當閩四人  
陳因之後魏亦二官並置建都水使者正第四品中水  
銜都尉從五品中太和二十二年都水使者從五品而  
省水銜北齊都水臺使者二人後周有司水中大夫一  
人隋都水臺使者二人從第五品有丞參軍河隄謁者  
錄事船局都津尉丞典作津長等開皇三年省都水八  
司農十三年復置仁壽元年改為都水監煬帝復為使  
者正五品統舟檝河渠二署大業五年又改使者為監  
加至四品又置少監為五品復改監為令從三品少監  
為少令從四品皇朝改為都水署隸將作令從七品下  
貞觀中復改為都水使者從五品上龍朔二年改為司  
津監咸亨元年復為都水使者光宅  
元年改為水銜都尉神龍九年復舊

都水使者掌川澤津梁之政令總舟楫河渠二署之官

屬

舟楫置開元二十三年省

辨其遠近而歸其利害凡漁浦之禁衛

虞之守皆由其屬而總制之凡獻享賓客則供川澤之

奠凡京畿之內渠堰陂池之壞決則下於所由而後修

之每渠及斗門置長各一人

以庶人年五十已上并勲官及停家職資有幹用者

為至溉田時乃令節其水之多少均其灌溉焉每歲府

縣差官一人以督察之歲終錄其功以為考課

丞二人從七品上

漢書都水水衡皆有丞後漢省晉初省都水使者有參事二人蓋丞之職

也宗因之孝武帝省都水臺置水衡令亦無丞梁天監七年置大舟卿始置丞一班第一陳因之後魏都水有參事六人北齊有參事十人並丞之任也隋初置都水臺有丞二人正第八品上大業三年加從七品皇朝改為都水署丞從八品下貞觀中改為使者以署為監加丞秩至從七品上

主簿一人從八品下

晉令水衡都尉置主簿一人又左右前後中五水衡皆有主簿梁天

監七年大舟主簿七班之中第三與宗正主簿品秩同後魏北齊並不置大業中置主簿一員皇朝因之

丞掌判監事凡京畿諸水禁人因灌溉而有費者及引水不利而穿鑿者其應入內諸水有餘則任諸王公公主百官家節而用之

主簿掌印勾檢稽失凡運漕及漁捕之有程者會其日月而為之糾舉

舟楫署令一人正八品下

漢中尉屬官有都船令丞水衡都尉有楫擢令晉水衡令

各有船曹吏齊職儀有船宮典軍一人後周有舟工中士一人隋都水使者領掌船局都尉二人煬帝改為舟楫署令一人

皇朝因之

丞二人正九品下

漢有都船丞楫擢丞隋煬帝置舟楫署丞二人皇朝因之

舟楫令掌公私舟船及運漕之事丞為之貳諸州轉運至京都者則經其往來理其隱失使監漕監之

河渠署令一人正八品下

秦及兩漢都水水衡屬官有河隄謁者則河渠之任也隋

煬帝取史記河渠書之義以名署置令一人皇朝因之領河隄謁者漁師者

丞一人正九品下

隋煬帝置河渠署丞一人皇朝因之

河渠令掌供川澤魚醢之事丞為之貳凡溝渠之開塞漁捕之時禁皆量其利害而節其多少每日供尚食魚及中書門下官應給者若大祭祀則供其乾魚魚醢以充邊豆之實凡諸司應給魚及冬歲者每歲支錢二十萬送都水命河渠以時價市供之

諸津令一人正九品上

列女傳有趙津吏女自後無聞  
晉令諸津渡二十四所各置監

津吏一人北齊三局尉皆分司諸津橋之事後周有掌

津中士一人掌津渡川瀆之制而為之橋梁隋都水領

諸津上津每尉一人丞一人中津尉丞各一人下津尉

一人每津典作一人津長四人皇朝改置令丞

丞一人從九品下

皇朝因隋置諸津在京北河南界者  
隸都水監在外者隸當州界

諸津令各掌其津濟渡舟梁之事丞為之貳

唐六典卷二十三



欽定四庫全書

史部

唐六典卷二十四

詳校官監察御史<sub>臣</sub>劉芬

編修<sub>臣</sub>程嘉謨覆勘

總校官庶吉士<sub>臣</sub>倉聖脈

校對官檢討<sub>臣</sub>龔大萬

謄錄監生<sub>臣</sub>朱懷玉

欽定四庫全書

唐六典卷二十四

唐

張九齡等撰

諸衛

左右衛

大將軍各一人

將軍二人

長史二人

錄事參軍事一人

錄事一人

史二人

倉曹參軍事二人

府二人

史四人

兵曹參軍事二人

府四人

史七人

騎曹參軍事一人

府二人

史四人

冑曹參軍事一人

府三人

史三人

亭長二人

掌固四人

司階二人

中候三人

司戈五人

執戟五人

奉車都尉五人

親府勳一府勳二府翊一府翊二府等五府

中郎將各一人

左郎將一人

右郎將一人

錄事一人

兵曹參軍事一人

府一人

史二人

校尉五人

旅帥十人

隊正二十人

副隊正二十人

左右驍衛

大將軍各一人

將軍二人

長史一人

錄事參軍事一人

錄事一人

史二人

倉曹參軍事二人

府二人

史四人

兵曹參軍事二人

府三人

史五人

騎曹參軍事一人

府二人



史四人

冑曹參軍事一人

府三人

史三人

亭長二人

掌固四人

司階二人

中候三人

司戈五人

執戟五人

左右翊中郎將府

中郎將各一人

左郎將一人

右郎將一人

錄事一人

兵曹參軍事一人

府一人

史二人

校尉五人

旅帥十人

隊正二十人

副隊正二十人

左右武衛

大將軍各一人

將軍二人

長史一人

錄事參軍事一人

錄事一人

史二人

倉曹參軍事二人

府二人

史四人

兵曹參軍事二人

府三人

史五人

騎曹參軍事一人

府二人

史四人

冑曹參軍事一人

府三人

史三人

亭長二人

掌固四人

司階二人

中候三人

司戈五人

執戟五人

稱長二人

左右翊中郎將府

中郎將各一人

左郎將一人

右郎將一人

錄事一人

兵曹參軍事一人

府一人

史二人

校尉五人

旅帥十人

隊正二十人

副隊正二十人

左右威衛

大將軍各一人

將軍二人

長史一人



錄事參軍事一人

錄事一人

史二人

倉曹參軍事二人

府二人

史四人

兵曹參軍事二人

府三人

史五人

騎曹參軍事一人

府三人

史四人

冑曹參軍事一人

府三人

史三人

亭長二人

掌固四人

司階二人

中候三人

司戈五人

執戟五人

左右翊中郎將府

中郎將各一人

左郎將一人

右郎將一人

錄事一人

兵曹參軍事一人

府一人

史二人

校尉五人

旅帥十人

隊正二十人

副隊正二十人

左右領軍衛

大將軍各一人

將軍二人

長史一人

錄事參軍一人

錄事一人

史二人

倉曹參軍事二人

府二人

史四人

兵曹參軍事二人

府三人

史五人

騎曹參軍事一人

府二人

史四人

冑曹參軍事一人

府三人

史三人

亭長二人

掌固四人

司階二人

中候三人

司戈五人

執戟五人

左右翊中郎將府

中郎將各一人

左郎將一人

右郎將一人

錄事一人

兵曹參軍事一人



府一人

史二人

校尉五人

旅帥十人

隊正二十人

副隊正二十人

左右衛大將軍各一人正三品

周禮制軍萬二千五百人為軍天子六軍大國

三軍次國二軍小國一軍軍將皆命卿六韜曰古之王者遣將授鉞曰從此上至天下至地將軍任也戰國亦

有其職秦漢始置衛將軍後漢及魏並因之然增其班秩晉文帝置臺又置中衛將軍武帝受命分為左右二衛各大將軍一人品第四銀章青綬武冠絳朝服佩水蒼玉宋齊因之建元二年詔二衛將軍日暮常一人宿永初元年詔二衛儀從可增為九十人又左衛領營五十司馬二十五人右衛領營四十司馬二十人梁左右衛將軍班第十二陳秩二千石後魏從二品太和二十二年降為第三品北齊因之隋左右衛左右武衛左右候左右武侯左右領軍左右率府各有大將軍一人所謂十二衛大將軍也然自兩漢至北齊大將軍位視三公至隋十二大將軍直為武職位左右省臺之下與右大將軍但名號同而統務別至開皇末年罷十二衛大將軍煬帝大業十三年復置左右衛為左右翊衛其領名為驍騎皇朝復左右衛府官屬與隋令畧同龍朔二年除

府字

將軍各二人從三品

後魏永光元年始增置左右衛將軍各二人從三品上太和二十二

年降為第三品北齊左右衛府各將軍一人名武衛將軍二人皆有司馬功曹及主簿錄事等員隋左右衛將

軍各二人

皇朝因之

左右衛大將軍將軍之職掌統領宮庭警衛之法令以督其屬之隊仗而總諸曹之職務凡親勲翊五中郎將府及折衝府所隸者皆總制焉凡大朝會率其屬以黃質鍪甲鎧黃弓箭黃刀黃楯黃纒黃麾麒麟旗角端旗赤熊旗之類為左右廂之儀仗每月親勲翊五府之三

衛及折衝府之驍騎應番上者各受其名簿以配所職

凡宿衛內廊閣門外分為五仗

一曰供奉二曰親仗三曰勳仗四曰翊仗五曰

散手仗皆坐於東西廊下若御坐正殿則立於兩階之次

在正門之內則以挾門隊坐於東西廂承天嘉德二門之內皆大將軍守之諸門及內廂宿衛之仗無將軍者則以中郎將一人權代其職若大駕行幸則如鹵簿之法以從

長史各一人從六品上

晉職官志云武帝置左右衛各有長史司馬員過江罷長史歷

宋齊梁陳後魏北齊唯有司馬無長史  
至隋左右衛各置長史一人皇朝因之

錄事參軍事各一人正八品上

晉元帝初為鎮東大將軍置錄事參軍一人梁

皇弟皇子府有中錄事參軍及錄事參軍各一人後魏  
二大二公府及第二第三品將軍府及始蕃王二蕃王  
三蕃王府各有錄事參軍員北齊因之隋  
左右衛府各有錄事參軍一人皇朝因之

倉曹參軍事各二人正八品下

晉元帝為鎮東大將軍有倉曹參軍一人宋高

祖相府亦置後魏與錄事參軍同置北齊因之隋  
左右衛府各倉曹參軍一人皇朝因之置二人

兵曹參軍事各二人正八品下

晉代與倉曹同置

騎曹參軍事各一人正八品下

魏司馬景王為大將軍有騎兵曹一人宋高祖

有相府騎兵參軍一人隋左右衛府有騎  
兵曹參軍一人皇朝因之其後改為騎曹

冑曹參軍事各一人正八品下

晉元帝為鎮東大將軍有鎧曹參軍宋高祖為

相亦有之齊職儀云左右鎧曹一人隋左右衛府有鎧曹行參軍一人皇朝因之長安中改為冑曹神龍初復

為鎧曹開元初復為冑曹

司階各二人正六品上

中候各三人正七品下

司戈各五人正八品下

執戟各五人正九品下

奉車都尉各五人從五品下

長史掌判諸曹親勲翊五府及武安武成等五十府之事以閱兵仗羽儀車馬凡文簿典職廩料請給卒伍軍團之名數器械糧儲之主守大事則從其長小事則專達季秋則以庶官之狀贊大將軍考課而昇降焉

錄事參軍掌印及受諸曹五府及外府百司所由之事以發付勾檢稽失

倉曹掌五府外府之文官職員凡勲階考課假使祿俸

及公廨財物田園食料之事皆掌制之

兵曹掌五府外府武官之職員凡番第上下簿書名數皆受而過大將軍以配馬

騎曹掌外府馬及雜畜之簿帳凡府馬之外直者以近及遠分為七番月一替凡左右廂之使以奉勅出宮城外追事者皆給馬遣之

冑曹掌其戎仗器械及公廨興造決罰之事凡大朝會行從應諸黃質甲鎧弓箭之屬則受之於衛尉事畢本



而歸之若有不應歸者留貯於衛庫

親府勳一府勳二府翊一府翊二府等五府中郎將各

一人正四品下

秦漢有五官中郎將左右中郎將並皆二千石掌領三署郎侍衛也又有虎賁

中郎將漢平帝置比二千石後漢因之建安十六年魏公子丕為五官中郎將置官屬以副相國位在諸侯王上晋代不置宋齊梁陳並有左右中郎將後魏北齊亦有之各五人隋氏左右親衛左右勳衛左右翊衛各置開府一人以統之有長史司馬倉兵法等參軍員皇朝因之武德七年改開府各置中郎將一人左右郎將各一人謂之左右親

勳翊衛中郎將府

左右郎將各一人正五品上

自漢以來並止曰中郎將至隋備身府置左右郎將

以統之又置左右雄武府雄武郎將武勇郎將以統之皇朝左右親勳翊衛因其名置左右郎將之職也  
兵曹參軍事各一人正九品上

中郎將掌領其府校尉旅帥親衛勳衛翊衛之屬以宿衛而總其府事左右郎將貳馬若大朝會及巡幸則如鹵簿之法以領其儀仗凡五府之親勳翊衛應番上者則以其名簿上大將軍配于所職

左右驍衛大將軍各一人正三品

漢武帝以李廣為驍衛將軍後省之光武

改屯騎為驍騎晉文帝置內臺以為宿衛之官歷宋齊梁陳後魏北齊並有驍騎將軍之職後周有左右驍騎

率上士一人至隋煬帝改左右備身為左右驍騎尋以左右驍衛所領名豹騎而又別置備身皇朝置左右騎衛府龍朔二年除府字光宅元年改為左右武威衛神龍元年復為左右馳騎

將軍各二人從三品

隋煬帝置皇朝因之

左右驍衛大將軍之職掌如左右衛其異者大朝會建黃麾鳳旗飛黃旗吉利旗兕旗太平旗親府之翊衛外府之豹騎番上者則分配之在正殿之前則以胡祿隊坐於東西廊下若御坐正殿則以隊仗次立于左右衛下在正門之外則以挾門隊列於東西廂凡分兵以守

諸門則知左廂諸門之內事右廂諸門之外事若在皇城四面宮城之內外則與左右衛分知助鋪之職

長史各一人從六品上

錄事參軍事各一人正八品上

倉曹參軍事各二人正八品下

兵曹參軍事各二人正八品下

騎曹參軍事各一人正八品下

胄曹參軍事各一人正八品下

隋煬帝改置驍衛府有長史從五品有錄事參

軍倉曹兵曹騎兵鎧曹行參軍員皇朝降長史為  
從六品改騎兵為騎曹鎧曹為冑曹而衛除府字

司階各二人正六品上

中候各三人正七品下

司戈各五人正八品下

執戟各五人正九品下

長史掌判諸曹翊府及永固等四十九府之事以閱兵  
仗車馬餘如左右衛錄事參軍倉曹兵曹騎曹冑曹所  
掌亦如之

翊府中郎將各一人正四品下

本隋翊衛開府皇朝武德十年改置中郎將

左右郎將各一人正五品上

本隋備身府左右郎將皇朝因之

兵曹參軍事各一人正九品下

中郎將掌領其府校尉旅帥翊衛之屬以宿衛而摠其

府事餘如左右衛

左右武衛大將軍各一人正三品

魏武為丞相有武衛營晉宋齊梁陳又有

建武奮武等將軍又有武烈武毅等將軍至隋採諸武之名置左右武衛府有大將軍一人將軍二人皇朝因舊光宅元年改為左右

鷹揚衛神龍元年復故

將軍各二人從三品

左右武衛大將軍將軍之職掌如左右衛其異者大朝會率其屬被白質鍪甲鎧執白弓箭白楯白纒建鶩麾四色麾五牛旗飛麟旗駃騠旗鸞旗犀牛旗駮蟻旗驍騶旗蹕稱長唱警持鈇隊應蹕為左右廂儀仗凡翊府翊衛外府熊渠番上則分配之正殿前則以諸隊次立於驍衛下在嘉德門內外以挾門隊坐於東西廊長史各一人從八品上

錄事參軍事各一人正八品上

倉曹參軍事各二人正八品上

兵曹參軍事各二人正八品上

騎曹參軍事各一人正八品下

冑曹參軍事各一人正八品下

隋左右武衛有長史一人煬帝升為從五品又

有錄事參軍倉曹參軍煬帝改為司倉兵曹參軍煬帝改為司兵皇朝改司倉為倉曹司兵為兵曹騎曹為冑曹

司階各二人正六品上



中候各三人正七品下

司戈各五人正八品下

執戟各五人正九品下

長史掌判諸曹翊府及鳳亭等四十九府之貳餘皆如

左右衛

翊府中郎將各一人正四品下

左右郎將各一人正五品上

左右郎將故事已詳於上

兵曹參軍事各一人正九品上

中郎將掌領其府校尉旅帥翊衛之屬以宿衛而總其府事餘如左右衛

左右威衛大將軍各一人正三品

隋初置左右領軍府煬帝改為左右屯衛

皇朝因之至龍朔二年改為左右威衛別置左右屯衛亦有大將軍等官光宅元年改為左右豹韜衛神龍元年復為左

右威衛

將軍各二人從二品

隋煬帝改領軍為屯衛府置將軍皇朝因之龍朔光宅神龍隨衛改

復

左右威衛大將軍將軍之職掌如左右衛其異者大朝

會則率其屬被黑質鞞執黑弓箭黑刀黑纒建青麾  
黑麾黃龍負圖旗黃鹿旗駟牙旗蒼烏旗為左右廂之  
儀仗次立武衛之下翊府翊衛外府羽林番上者則分  
配之在正殿前則以諸隊立於階下在長樂永安門內  
則以挾門隊列於兩廊凡分兵主守則知皇城東西面  
之助鋪

長史各一人從六品上

錄事參軍各一人正八品下

倉事參軍事各二人正八品下

兵曹參軍事各二人正八品下

騎曹參軍事各一人正八品下

冑曹參軍事各一人正八品下

隋煬帝改領軍為左右屯衛有長史已下等員

皇朝改之  
已其前設

司階各二人正六品上

中候各三人正七品下

司戈各五人正八品下

執戟各五人正九品下

長史掌判諸曹之事以閱兵仗羽儀車馬及宜陽五十  
府餘如左右衛凡飛騎宿衛者將軍已下不得使其出  
外若番上湏兵士則簡同華越騎充不足兼取諸州越  
騎

翊府中郎將各一人正四品下

左右郎將各一人正五品上

中郎將掌領其府校尉旅帥翊衛之屬以宿衛而總其

府事餘如左右衛

左右領軍衛大將軍各一人正三品

漢建安十四年魏武為丞相相府始

置中領軍既拔漢中還長安以曹休為之主五校中壘武衛等營魏文帝為魏王又置領軍而領軍差勝中領軍微方晉因之領軍與中領軍三將軍並置領軍品第三金章紫綬中領軍將軍第四品銀章青綬武冠絳朝服佩水蒼玉太始元年武帝省領軍北軍中侯中領軍將軍羊祜統二衛前後左右驍騎等七軍營兵宋齊領軍中領軍將軍掌內禁兵大駕出則御軍在前位則守舊制與駕出行則與護軍將軍更曰直領隊於上車門內梁領軍護軍與左右衛驍騎游騎為六軍將軍班第十五陳領軍將軍扶二千石後魏領軍護軍第三品上太和二十三年降為從第三品北齊領軍府將軍一人掌禁衛宮掖朱華閣外凡禁衛皆主之領軍亦同隋左右領

府各掌左右十二軍籍帳羽衛之事不置將軍唯有長史司馬煬帝大業三年改左右屯衛皇朝因隋屯衛名置大將軍將軍後改為威衛又採前代領軍名別置領軍衛置大將軍將軍龍朔二年改為左右戎衛咸亨元年復舊光宅元年改為左右玉鈴衛神龍元年復故

將軍各二人從三品

魏晉已來並有領軍之職然則領軍如今領軍大將軍也中領軍如

今領軍將軍也宋齊梁陳後魏北齊有之隋領軍府有將軍員皇朝因罷之也

左右領軍衛大將軍將軍之職掌如左右衛其異者朝會則率其屬被青質鍪甲鎧執青弓箭青刀青楯青纘建赤麾應龍旗玉馬旗三角獸旗白狼旗龍馬旗金牛

旗為左右廂之儀仗以次立威衛下凡翊府翊衛外府射聲應番上者則分配之在正殿前則以諸隊立於階下在長樂永安門外則以挾門隊列於兩廊凡分兵主守則知皇城東西面之助鋪及京城苑城諸門之職

長史各一人從六品上

錄事參軍事各一人正八品上

倉曹參軍事各二人正八品下

兵曹參軍事各二人正八品下



騎曹參軍事各一人正八品下

冑曹參軍事各一人正八品下

齊職儀領軍將軍有長史品第六秩六百石梁

陳亦有之北齊領軍有長史司馬隋領軍府無將軍有長史一人煬帝改置將軍長史判衛事又有錄事倉曹兵騎鎧曹等員皇朝因之

司階各三人正六品上

中候各三人正七品下

司戈各五人正八品下

執戟各五人正九品下

長史掌判諸曹翊府及萬敵萬年等六十府之貳餘同

左右衛

翊府中郎將各一人正四品下

左右郎將各一人正五品上

中郎將掌領其府校尉旅帥翊衛之屬以宿衛而總其  
府事餘如左右衛

唐六典卷二十四

欽定四庫全書

唐六典卷二十五

唐 張九齡等 撰

諸衛府

左右金吾衛

大將軍各一人

將軍二人

長史一人

錄事參軍事一人

錄事一人

史二人

倉曹參軍事二人

府二人

史四人

兵曹參軍事二人

府二人

史五人

騎曹參軍事二人

府二人

史四人

胄曹參軍事一人

府三人

史三人

亭長二人

掌固四人

司階二人

中候三人

司戈五人

執戟五人

左右翊中郎將府

中郎將各一人

左郎將一人

右郎將一人

錄事一人

兵曹參軍事一人

府一人

史二人

校尉五人

旅帥十人

隊正二十人

副隊正二十人



左右街使各一人

判官二人

典二人

左右監門衛

大將軍各一人

將軍二人

中郎將四人

長史一人

錄事參軍事一人

錄事一人

史二人

兵曹參軍事一人

府三人

史五人

胄曹參軍事一人

府三人

史四人

亭長二人

掌固二人

監門校尉二百二十人

直長六百八十人

長人長上二十人

直長長上二十人

左右千牛衛

大將軍各一人

將軍一人

中郎將一人

長史二人

錄事參軍事一人

錄事一人

史二人

兵曹參軍事一人

府一人

史二人

冑曹參軍事一人

府一人

史一人

亭長二人

掌固四人

千牛備身十二人

備身左右十二人

備身一百人

主杖一百五十人

左右羽林軍

大將軍各一人

將軍二人

長史一人

錄事參軍事一人

錄事一人

史二人

倉曹參軍事一人

府二人

史四人

兵曹參軍事一人

府二人

史四人

冑曹參軍事一人

府二人

史四人

亭長二人

掌固四人

司階二人

中候三人

司戈五人



執戟五人

左右翊中郎將府

中郎將各一人

左郎將一人

右郎將一人

錄事一人

兵曹參軍事一人

府一人

史二人

校尉五人

旅帥十人

隊正二十人

副隊正二十人

諸衛折衝都尉府

每府折衝都尉一人

左果毅都尉一人

右果毅都尉一人

別將一人

長史一人

錄事一人

史二人

兵曹參軍事一人

府二人

史三人

校尉五人

旅帥十人

隊正二十人

副隊正二十人

左右金吾衛大將軍各一人正三品

漢書百官表中尉  
秦官掌徼巡京師

武帝太初元年更名執金吾秩中二千石有兩丞候司  
馬千人屬官有中壘寺互武庫都船四令丞又武道左  
右候及京輔都尉皆屬焉又後漢掌宮外及京師盜賊  
水火考按疑事衛尉巡行宮中執金吾徼巡宮外相為  
表裏所以戒不虞也漢末魏武執政復為中尉晉宋齊  
梁陳並不置後魏雖有中尉之職改御史中丞名之至

後周置武環率武候率各下大夫二人至隋置左右武候府各大將軍一人將軍三人掌車駕出入先驅後殿晝夜巡察執捕姦非烽候道路水草所宜巡狩師田掌其營禁大業三年改為左右武侯衛四年各增置察非掾二人專糾彈之事皇朝因之

龍朔二年改為左右金吾衛

將軍各二人從三品

皇朝因隋置三人貞觀中減置二人

左右金吾衛大將軍將軍之職掌宮中及京城晝夜巡警之法以執禦非違凡翊府及同軌等五十府皆屬焉凡車駕出入則率其屬以清遊隊建白澤旗朱雀旗以先驅又以玄武隊建玄武旗以後殿餘依鹵簿之法以

從若巡狩師田則執其左右營衛之禁凡衛翊府同軌

寶圖等五十府曠騎衛士應番上者各配所職焉又置引駕

三衛六十人並於左右衛取明閑隊仗法用兼能糾彈事者充分為五番上下仍於諸衛翊衛隊正內取五人為主帥番別配一人檢校又置別駕仗飛六十六人於當衛簡取越騎射者充分為六番上下番別置主帥一人

長史各一人從六品上

錄事參軍事各一人正八品上

倉曹參軍事各二人正八品下

兵曹參軍事各二人正八品下

騎曹參軍事各一人正八品下

胄曹參軍事各一人正八品下

隋左右武侯府有長史錄事倉兵騎鑼等曹皇

朝因之諸曹已具上說

司階各二人正六品上

中候各三人正七品下

司戈各五人正八品下

執戟各五人正九品下

長史掌判諸曹翊府及同軌寶圖等五十府之事閱其儀仗兵馬凡文簿典職廩料請給番第上下皆審其事而總制之

錄事參軍掌所受翊府外府及諸衛百司之事以發付勾檢

倉曹掌翊府外府文官職員

兵曹掌翊府外府武官職員

騎曹掌外府馬與雜畜簿帳及牧養之事凡諸衛馬承



直配於金吾巡檢遊奕者每月四十有五匹皆季請其料隨以給之

冑曹掌諸曹翊府及外府軍戎器械及其公解興造決罰之事凡大朝會行從給青龍旗大纛襍稍之類於衛尉事畢本而歸之餘同左右衛

翊府中郎將各一人正四品下

左右郎將各一人正五品上

中郎將掌領府屬以督京城內左右六街晝夜巡警言之

事左右郎將貳焉餘如左右衛

左右監門衛大將軍各一人正三品

將軍各三人從三品

中郎將各四人正四品下

左右監門衛大將軍將軍之職掌諸門禁衛門籍之法  
凡京司應以籍入宮殿門者皆本司具其官爵姓名以

移牒其官

若流外官丞脚色  
具其年紀顏狀

門司送于監門勘同然

後聽入凡財物器用應入宮者所由以籍傍取左監門

將軍判門司檢以入之應出宮者所由亦以籍傍取右  
監門將軍判門司檢以出之其籍月一換若大駕行幸  
則依鹵簿之法率其屬於牙門之下以為監守

中郎將掌諸監門及巡警之法凡宮殿門及城門皆左  
入右出其監門官司檢校者聽從便門出入

長史各一人從六品上

錄事參軍事各一人正八品上

兵曹參軍事各一人正八品下

曹曹參軍事各一人正八品下

隋左右開府有長史錄事兵曹等員皇朝因之

曹曹已

具上注

長史掌判諸曹及諸禁門之事以省其出入巡檢而司其籍傍餘如左右衛

錄事參軍掌印發勾檢稽失諸司籍傍押於監門者印署而遣之

兵曹掌本衛文武官之職簿凡授上解免勳階考課假使祿賜之事皆判而申牒之

曹掌軍戎器械及承直馬公廨興造決罰餘同左右

衛左右千牛衛大將軍各一人正三品

謝綽宋拾遺錄有千牛刀即人

主防身刀也後魏有千牛衛備身本掌乘輿御刀蓋取莊子庖丁為文惠君解牛十九年所割者數千牛而刀刃若新發於硎故言此刀可以備身因以名官後魏書奚康生有勇力以其子難為千牛備身又楊保弘農人為千牛備身北齊領左右府有左右領將軍亦統千牛備身第六品下左右領左右府有大將軍一人將軍二人掌侍衛左右供御兵仗使千牛備身十二人掌執千牛刀備身左右十二人掌供御刀箭備身十六人掌宿衛侍從場帝改為左右備身郎將一人直齋二人統之有千牛左右司射左右各一十六人並正六品有長史錄事參軍等員皇朝改為左右千牛府龍朔二年改為左右奉寵衛神龍元年復改為千牛衛

將軍各一人從三品

北齊領左右府有領左右將軍一人隋左右領左右府有將軍二人

皇朝減

一人

中郎將各二人正四品下

北齊有左右備身正副都督並四品上隋煬帝置備身郎

將一人皇朝置中

郎將各二人也

左右千牛衛大將軍將軍之職掌宮殿侍衛及供御之儀仗而總其曹務凡千牛備身備身左右執弓箭以宿衛主仗守戎服器物凡受朝之日則領備身左右昇殿而侍列於御座之左右若親射于射宮則大將軍將軍

率其屬以從凡千牛備身左右考課賜會及祿秩之升  
降同京職事官之制

中郎將掌供奉侍衛以貳將軍及諸曹之務凡千牛備  
身備身左右以御刀仗昇殿供奉者皆大將軍將軍率  
而領之而中郎將佐其職凡侍奉禁橫過座前者禁對  
語及傾身與階下人語者禁搖頭舉手以相招召者若  
有口敕通事舍人承受傳聲於階下不聞者則中郎將  
軍告之

長史各一人從六品上

錄事參軍事各一人正八品上

兵曹參軍事各一人正八品下

冑曹參軍事各一人正八品下

隋左右領左右府有長史以下等員煬帝以兵

曹為司兵冑曹為司鑾皇朝改之

千牛備身各十二人

備身左右各十二人

備身一百人



主仗一百五十人

唐改千牛左右曰千牛  
備身初置備身主仗

長史掌判諸曹官吏之衆務事

錄事參軍掌印發勾檢稽失餘如左右衛

兵曹掌文武官及千牛備身備身左右之簿書及其勳  
階考課假使祿俸事

冑曹掌甲仗之事凡御仗之物二百一十有九羽儀之  
物三百自千牛以下各分而典掌之其當上日執御刀  
御弓矢之外仍量備弓箭以入宿每月主仗當上則配

其所職若在行從則兼騎曹之任餘同左右衛

左右羽林軍衛大將軍各一人正三品

漢置南北軍掌衛京師南軍若

今諸衛也北軍若今左右羽林也呂后崩周勃以北軍兵誅諸呂至武帝置羽林掌送從以次期門名曰建章營騎屬光祿勳置令丞以領之後更名羽林騎兼象天有羽林星主車騎也又云為國羽翼如林之盛以隴西漢陽安定北地河西上郡良家子便弓馬者為之取將軍死事之子孫羽林官教以五兵號為羽林孤兒宣帝令中郎將騎都尉監羽林秩比二千石光武以征代之任勞苦者及五郡良家子以充之父死子代之又簡五營高手別為左右監秩比六百石魏羽林監品第五晉光祿勳屬官有羽林郎將羽林左右監品第五銅印墨綬武冠絳朝服其侍陞殿著鷩尾冠紗縠單衣哀帝時桓溫執政省羽林中郎將唯置一監宋高祖復置初江

左領營兵及過江無復營兵齊梁陳並有羽林監後魏羽林監第六品下北齊羽林監十五人品同後魏周有左右羽林率各上士二人中士二人掌羽林之士隋煬帝改左右領軍為左右屯衛所領兵為羽林皇朝名武衛所領兵為羽林又別置左右屯營各有大將軍將軍等員龍朔二年為左右羽林軍其名則歷代之羽林也將軍各二人從三品

左右羽林軍大將軍將軍之職掌統領北衙禁兵之法令而督攝左右廂飛騎之儀仗以統諸曹之職若大朝會則率其儀仗以周衛階陛若大駕行幸則夾馳道而為內仗

羽林禁兵旗職名數秘莫得知畧之

凡飛騎每月番上者皆據其

名歷而配于所職其飛騎仗或有勅上南衙者則大將軍將軍承墨勅白移於金吾引駕仗引駕仗官與監門奏覆又降墨勅後得入

長史各一人從六品上

錄事參軍事各一人正八品上

倉曹參軍事各一人正八品下

兵曹參軍事各一人正八品下

胄曹參軍事各一人正八品下

隋有左右屯衛有長史已下等員皇朝因之為

屯營官名

改更上

司階各二人正六品上

中候各三人正七品下

司戈各五人正八品下

執戟各五人正九品下

長史判諸曹事錄事參軍已下職如左右衛凡飛騎宿衛將軍已下不得使其出外若番上湏兵士則簡同華越騎克不足取步騎步騎不足兼取諸州越騎

翊府中郎將各一人正四品下

左右郎將各一人正五品上

中郎將之職掌領翊衛之屬以總北軍宿衛之事左右郎將貳馬餘務同左右衛

諸府折衝都尉各一人

上府正四品上中府從四品上下府正五品下按井田之法而

備軍政至秦廢井田置郡縣尉為太守之貳而主兵至漢改四都尉九武職多以尉為補後漢省都尉至隋左右衛左右武衛左右武侯各領軍坊鄉團以統戎卒開皇初又置驃騎將軍府每府有驃騎將軍車騎將軍大業三年改置鷹揚府每府改驃騎為鷹揚郎將車騎為鷹揚副郎將五年又以鷹揚副郎將為鷹擊郎將皇朝

武德初因隋鷹揚府依開皇舊名置

材老弱少壯各為之簿以進退為

此條有缺文

表史掌判兵事倉儲車馬介冑之事及其簿書會要之

法

兵曹掌兵吏糧倉公解財物田園課稅之事與其出入

幼檢之法每月簿番上衛士之教以上衛每歲簿錄事

及府史捉

缺

品于補上年月姓名以上于州申考功兵

部





唐六典卷二十五